

畫閣先生暨德配張宜人傳

予常至族老賓門軍門家陳子去煩爲其姪端甫學博之壻獲與晤談心焉契之及予任天岳師校講席其子發麟肄業中學見其英才卓越而又立身循謹動不踰矩固知其世德遠矣今其族續修家乘去煩手事略乞爲畫閣先生及其配張宜人作傳辭不獲謹錄之以存其真先生諱鳴琯派名光坑畫閣其號世居平邑南鄉白茅里考諱陶卿妣氏湯皆有隱德兄弟四人先生仲也髫年聰穎嗜學及冠注學籍越二年食廩餼肄業嶽麓書院枕經薛史浸淫於秦漢古文及諸子百家之說故其爲

文根氏深厚試棘闈屢膺房薦甲午科以額滿見遺既歸則曰  
此有數存胡强求爲自是絕意名場承父命援例授教諭職加  
知州銜退而設塾傳經本其素所蘊蓄以教戚族及鄉人士湛  
道德浮英華聯翩而發黌序者指不勝屈性肫竺而豪爽有威  
儀喜飲酒客至浮數大白談論縱橫雜以恢諧使人樂而忘倦  
年三十六而卒配張宜人哭之哀病劇數載未愈性貞誠喜周  
人急尤深明大義嘗取古人格言爲家訓生子二長去煩次陝  
周出繼爲伯氏後女二長適歐陽次適黃均士族孫男五長發  
騏現任陸軍中校軍需正次發驥陸軍上尉連長三發驊四發

驥均畢業中學五發騶尙幼孫女一適余曾孫二定元定芳先是其封翁陶卿公春秋高命子若孫析簪分居三宅宜人始總持家政躬理錢穀雖自奉儉穀而延師課讀飲饌必豐且不吝厚幣聘致其子去煩通經史克紹家學民國初畢業湖南法政學校屬時多故中原雲擾令其勿復外出自後鄉居多警徙居縣城蓋十餘年矣歲甲戌宜人古稀初度立秋前三日無疾而終遺囑語不及私惟諄諄戒子謂總理祠事宜矢公矢慎及捐資創建白茅支祠云

贊曰尉繚子有言人之不足天之有餘謂夫貴顯壽考皆天所

與非可以人力爭也以先生之賁志早歿宜人之能貞苦節疑  
天若故爲靳之矣雖然予觀邇歲邑民困於赤氛之俶擾富家  
豪戶往往寥落而當此厯劫之餘幸田廬依然無恙矧其孫曾  
繼起又將文呈豹變武奮鷹揚振振焉保世而滋大意者天之  
有餘也其在斯乎其在斯乎

清己酉科拔貢姻世愚姪嚴 恭魯斯拜撰